



№ 27 — 1917

კვირა მკაფათვის 2

ფასი
20. კ

წელიწადი მთავრად
გამოცემისა

ზეესური

1

ცოდვის ქვეყანა დაინგრა,
პირი გვიბრუნა ზენამა,
განწმენდის ალი მოგვედვა,
მოგვემართა ცეცხლის ენამა;
სინათლემ სძლია სიბნელე,
მლაშობი—ნეტრის დენამა!

2

მზე შემოგცინის მშობელიო,
ოდითვე გამწარებულო,
დალეწე მონის ბორკილი,
შინ უდლით გაოგნებულო,
რომ შენც მზის სიცილ-ზეიმში
ილხენდე სახელ-დებულოა..



ახალგაზდა მგონებთ

1, ტ. ქუჩიშვილი, 2, თ. მჭედლიშვილი, 3, თ.
დაროშვილი, 4, ქსარი, 5, გ. ჯეონიძე.

იზიძე

ეროვნული საკითხი.

ამის წინათ («ერთობა» №79), ბ. ლევან ნათაძემ მეტად საყურადღებო წერილი დასტამბა. წერილში ავტორი კდილობს დასახბუთოს, თუ რატომ არ შეუძლია სოციალდემოკრატიულ პარტიას საქართველოში მხარი დაუჭიროს საქართველოს ეროვნულ-ტერიტორიალურ ავტონომიას.

მართალია, წერილი იმართულია «ალიონის» წინააღმდეგ, მაგრამ ის ეხება იმდენათ საყურადღებო და იმდენათ საჭირობორტოკატხვას მთელი ჩვენი ერისათვის, რომ საქირაოა მისი ყოველმხრივი აწონ-დაწონა.

საქირაოა ხალხში ფეხი მოიკიდოს იმ შეგნებამ, რომ ეროვნულ საკითხში სოციალდემოკრატიული პარტია ჩვენში თავიდანვე ყალბ გზაზე შედგა. რევოლიუციის ზეგავლენით პარტია თანდათან უახლოვდება ქეშმარტებას, მაგრამ თამამი სიტყვა ჯერ კიდევ ვერ გაუზღენია იმ პარტიას, რომელიც ისტორიულმა განვითარებამ ჩვენი ქვეყნის სათავეში მოაქცია. სამწუხარო ის არის, რომ ეს ქეშმარტი მეთაური და ღირსეული ბელადი ქართველი მშრომელი ხალხისა—ჩვენი სოციალდემოკრატიული პარტია—ეროვნულ საკითხში მეთაურობას ვერ იჩენს, უკან მისდევს დროს და ყოველი მისი ნაბიჯი ეროვნულ საკითხში წინ გადადგმული ძალდატანების ნაყოფი და შედეგია.

ამიუხედავთ იმისა, რომ პარტიაში ქართველობა სკარბობს, იგი როგორც დაწესებულება ქართული არ არის».

ვკითხულობთ ბ. ლევან ნათაძის წერილში. აქედან ბუნებრივია და აუცილებელი დასკვნაც: პარტიისათვის არ არსებობს არც ქართველი, არც რუსი, არც სომეხი, არც თათარი,—მისთვის ყველა ერთია, ის ყველას ერთნაირათ ემსახურება, ის ყველა ერის ინტერესს ერთნაირათ იცავს.

ვის რა უნდა ჰქონდეს ამის წინააღმდეგი? თუკი პარტიას შესწევს იმდენი ძალღონე, რომ ყველა ერს კავკასიაში ემსახუროს და თანასწორათ ემსახუროს, თუკი მას შეუძლია, ყველას გაწვდეს, თუკი მის დღეენილებებს ყველგან ექნება გასავალი, ქებაღდიდება ასეთ პარტიას.

თუკი მივმართავთ ახლა სინამდვილეს, სულ სხვა სურათი წარმოგვიდგება. უმთავრესი ასპარეზი იმ პარტიისა, რომელიც «როგორც დაწესებულება ქართული არ არის», საქართველოა.

უმთავრესი და არა თუ უმთავრესი, თითქმის ერთადერთი აუდიტორია იმ პარტიისა, რომელიც «როგორც დაწესებულება ქართული არ არის», ქართველი ერია. ათიოდე სომეხი და ათიოდე რუსი, რომლებიც პარტიაში შედიან, ერს არ წარმოადგენენ.

რეალური გავლენა პარტიას, რომელიც «როგორც დაწესებულება ქართული არ არის», მხოლოდ საქართველოში, ქართველებში აქვს. ყოველი რეზოლიუცია ამ პარტიისა, რომელიც «როგორც დაწესებულება, ქართული არ არის», სავალდებულო ხდება მხოლოდ ქართველი მშრომელი ხალხისათვის.

კავკასიის ყველა ერთა შორის დიდი ნდობა გვაქს მოპოებულია, ვკითხულობთ წერილში, შესაძლებელია, მაგრამ რა უნდა დავასკვნათ აქედან?

სომხის ხალხი ამ პარტიას მიანდობს თვისი ბედის გადაქრას? რასაკვირველია არა. თათრები ან კავკასიის მთიელები ამ პარტიას მიანდობენ თვისი ბედის გადაქრას?

რასაკვირველია არა. სომხის ერის, კავკასიის მთიელების, თათრების თვალში იგივე ფასი და გავლენა აქვს ამ პარტიის რეზოლიუციებს, რაც ქართველი ხალხის თვალში?

რასაკვირველია არა. კავკასიის მთიელები და თათრები პარტიის რეზოლიუციებს ეროვნული საკითხის შესახებ არავითარ ანგარიშს არ უწევენ და არ გაუწევენ.

სომხებიც, თათრებიც, მთიელებიც თვითონ გადაქრიან ეროვნულ საკითხს, და პარტიის რეზოლიუციებით არ იხელმძღვანელებენ. ჩვენი ხალხი კი იხელმძღვანელებს და დარჩება წაგებული.

რატომ დარჩება წაგებული? იმიტომ რომ ეროვნული საკითხის გადაქრის დროს პარტიის ქართველი უმრავლესობა თვალეებში უნდა შეჩერებოდეს სხვაღდა სხვა ეროვნებათა თითოღორღო წარმომადღ-

გენლებს და ცდილობდეს, ისეთი არ დავადგინოთ რა, რომ ისინი უკმაყოფილონი დარჩნენ.

პარტიულმა ყრილობამ ცხადად დაანახვა ყველას, რომ პარტიის მიერ სულ პატარა ნაბიჯიც კი, ქართველი ხალხის სასარგებლოდ გადადგმული, არა ქართველ წევრებში უკმაყოფილებას იწვევს.

ამგვარი შიში, ამ გვარი გაუბედაობა მიზეზია იმისი, რომ ეროვნულ საკითხში პარტიამ ვერასოდეს ვერ გამოჩინა მეთაურობა და ყოველთვის დროსა და მომენტს მოექცა უკან.

ჩვენ თუ არ გადავქერით. სხვები გადაქრიან და გვიან იქნებაო, აი ტრაგიზმი პარტიისა ნოეს სიტყვებით გამოხატული.

ამიტომ პარტიამ ან სრულებით უნდა დაანებოს თავი ეროვნულ საკითხს, რომლის დაძლევაც მას არ შეუძლია, ან ხელფეხი გაიხსნას და გაინთავისუფლოს თავი იმ შიშისაგან: ვაი თუ არა ქართველი წევრები უკმაყოფილონი დარჩნენ.

წარმოვიდგინოთ რომ თათრებმა, კავკასიის მთიელებმა, სომხებმა დამფუძნებელ კრებაზე სრულ-უფლებიანი ეროვნულ ტერიტორიული ავტონომია მოითხოვეს.

რას იზამს მაშინ პარტია?

რასაკვირველია, გაილაშქრებს ასეთი ავტონომიის წინააღმდეგ და ამით დაარღვევს იმ სოლიდარობას კავკასიის ერთა შორის, რომლის შენებასაც ანაცვალა ქართველი ერის ეროვნული ინტერესები.

თუ ბლევან ნათაძეს ჰგონია, კავკასიის ერები ამას არ მოითხოვენ, რადგანაც ჩვენი პარტია ამის წინააღმდეგიაო, ფრიალ შემცდარია და მალე დარწმუნდება თავის შეცდომაში.

შერე რა მოხდება?

მოხდება ის, რომ კავკასიის ყველა მთავარი ერები მოითხოვენ სრულ უფლებიან ავტონომიას.

პარტია კი, რომელიც ასეთ ავტონომიას უარყოფდა ინტერნაციონალურის თვალსაზრისით, უნდა შეებრძოლოს კავკასიის ერთა ეროვნულ მისწრაფებას.

თუ არ შეებრძოლება, მაშინ რაღა ფასი აქვს მის რეზოლიუციებს?

თუ ქართველი სოციალდემოკრატი ავტონომისტები საქართველოს ავტონომიის შესახებ სწერენ, ბ. ნათაძეს აქედან ის დასკვნა გამოაქყავს, თითქოს მათ სხვებისათვის არაფერი არ ემეტებოდეს.

„ალიონელებს“ ჩემი გამოსარჩლება არ ესაქირობათ.

მე კი ჩემს წერილებში რამდენიმე ალბანს მაქვს ნათქვამი, რომ ეროვნულ-ტერიტორიული ავტონომია მართლაც ჩვენ კი არ უნდა მივიღოთ, არამედ სომხებმა, თათრებმა, მთიელებმა და აზისათვის ჩვენ წინ და წინვე უნდა შეეთანხმდეთ ერთმანეთში.

თუ მე ან სხვა ვრცლათ არ შევხებოვართ სომხების ან თათრების ავტონომიას, იმიტომ რომ მეტიჩარა ადამიანის როლი სასურველი არ არის: ჩვენ ჩვენს თავს მოვეუაროთ, თორემ სომხებს, თათრებს, სხვ. ერებს საკმაო ძალ-ღონე შესწევთ, რომ თვითონ გადასწყვიტონ თვისი ბედი და არც რომელიმე ჩვენგანს, არც პარტიას პროექტები არ აწერინონ.

მე არ ვიცი, რატომ ჰგონია ბ. ნათაძეს, რომ ის თვითმართველობა, რომელიც პარტიამ მიიღო, დაკმაყოფილებს კავკასიის ერებს და სრული ეროვნულ-ტერიტორიული ავტონომია კი არა?

მე კი მგონია, რომ თათრები და კავკასიის მთიელები სრულ ეროვნულ-ტერიტორიული ავტონომიას მოითხოვენ და პარტიის ახალი ეროვნული პროგრამით არ დაკმაყოფილებიან.

ცხადია, ეს თვითმართველობა რჩება ისევ ქართველ ხალხს, სხვა არაფერი არ ღებულაობს მას კავკასიაში.

ბ. ლევან ნათაძის დასაბუთება არ ეთანხმება მისი პარტიული ამხანაგების დასაბუთებას. ფართო პოლიტიკური ავტონომიის უარყოფას ისინი დაახლოვებით ასაბუთებენ ასე: ჩვენ ცენტრალისტები ვართ, უარყოფთ სახელმწიფოებრივ პრინციპს და მის ალბანს ვაყენებთ პრინციპს თვითმართველობისასო.

გაიხსენეთ აკაკი ჩხენკელის სიტყვები („ერთობა“ № 76): „ვისთქვამთ ამიერ კავკასიაში ცხოვრობს მართლ ერთი ერი და მოითხოვს ტერიტორიული ავტონომიის. ჩვენ არც მას

დაუქერდით მხარს და შევებრძოლებოდით სახელმწიფოებრივობის პრინციპს“.

ცხადია, პარტია კავკასიის ერთა სოლიდარობის თვალსაზრისით კი არ ებრძვის ეროვნულ-ტერიტორიალურ სრულ უფლებიან ავტონომიას, ის ებრძვის პრინციპიალურათ: სახელმწიფოში სახელმწიფოს მე ვერ დავეშვებო. ამგვარ შეხედულებაში არის ერთგვარი ლოლიკა, ხოლო ასეთი ცენტრალისტობა არ გამომდინარეობს მარქსის მოძღვრებიდან, სოციალიზმისა და ინტერნაციონალიზმის პრინციპიდან.

ამგვარი შეხედულება არის კერძო და მასთან ფრიად შემცდარი შეხედულება აქაური პარტიისა, თორემ სხვა ერთა სოციალდემოკრატიული პარტიები არა თუ სრულ უფლებიან ავტონომიას თხოულობენ, ზოგან სრულ დამოუკიდებლობასაც.

ჩვენებური პარტია სიტყვით იცავს ერთა თვითგამორკვევის პრინციპს სრულ გამოყოფამდე, ნამდვილათ კი ებრძვის ამ პრინციპს. რას ნიშნავს ბ. ლევან ნათაძის სიტყვები: „როგორ მოვაწყუთ კავკასიაში ერთა ცხოვრება ისე, რომ ამ ერებს საჩუბარი არაფერი ქონდეთ, რომ ამ ერთა ცხოვრება, კულტურა თავისუფლათ და ბუნებრივათ, ძალდაუტანებლად ვითარდებოდეს.“

როგორ უნდა გავიგოთ ეს სიტყვები, თუ მათ გვერდში ამოვუყენებთ ბ. ნათაძის შეხედულებას, რომლითაც ის წინააღმდეგობ ტერიტორიალური ავტონომიისა?

თუ კავკასიის ერებზე სრული ეროვნული პოლიტიკური ავტონომია მიიღეს, მაშინ საჩუბარი ექნებათ ერთმანერთში და თუ მხოლოდ თვითმართველობა მიიღეს, მაშინ საჩუბარი აღარა ექნებათარა?

თუ სრული პოლიტიკური ავტონომია მიიღეს, მაშინ ამ ერთა ცხოვრება, კულტურა თავისუფლათ, ძალდაუტანებლად აღარ განვითარდება და თუ თვითმართველობა მიიღეს მხოლოდ, მაშინ კი განვითარდება?

ამ შემთხვევაში საკიროა დამტკიცება, რომ საერთოთ პატარა ერებისათვის ფართო პოლიტიკური ავტონომია მავნებელია.

რაც შეეხება კავკასიის ერთა შორის სოლიდარობას, თუ ყველამ მიიღო ეროვნულ-ტერიტორიალური ავტონომია, ეს სოლიდარობა ვაცილებით უფრო მტკიცე იქნება, ვიდრე იმ შემთხვევაში თუ არავინ არავითარი ავტონომია არ მივიღეთ.

თუ ვიფიქრებთ, რომ ავტონომიურ საქართველოში სხვა ერები იქნებიან და ეროვნული შუღლი გაძლიერდება, ასეთი შიში

უსაფუძვლოა, რადგანაც უმცირესობის უფლებანი დაცული და უზრუნველყოფილი იქნება კონსტიტუციით ეროვნულ კულტურული ავტონომიის სახით.

ფინეთში მაგალითად საქმაო რიცხვია შევდებისა მაგრამ იქ არ არის გამწვავებული ეროვნული ურთიერთობა და არც უარყოფენ ფინები თავის ავტონომიას შევდების ხათრით.

არც კავკასიის ერთა სოლიდარობის თვალსაზრით, არც ინტერნაციონალიზმით არ შეიძლება დასაბუთება და გამართლება პარტიული შეხედულების ეროვნულ საკითხში.

თვისი ეროვნული რეზოლიუციის გარშემო პარტია ვერ შემოიკრფეს ვერც სომხებს, ვერც თათრებს, ვერც შთიღლებს—კავკასიის ვერც ერთ მთავარ ერს. რჩება ხელში მარტო ქართველიერი რომელსაც უნდა მოახვიოს თავს მორცხვი და შებოაკილი ავტონომია ეროვნულ-ტერიტორიალური თვითმართველობის სახით.

თუ შესაფერი დრო დადგა და სხვებმა თავისი გაიტანეს ე. ი. მიიღეს ეროვნული ავტონომია გვაქვს თუ არა საბუთი ვიფიქროთ, რომ პარტიის წარმომადგენლები წინააღმდეგებიან საქართველოს სრულ უფლებიან ავტონომიას?

რასაკვირველია, ასეც მოხდება.

ცენტრალიზმი, სახელმწიფოებრივი პრინციპის უარყოფა და მის ალაგას თვითმართველობის წამოყენება სწორეთ ამას მოითხოვს. გაიხსენეთ ბ. ჩხეწყელის სიტყვები.

ამგვარათ სხვას არა დაუშავდება, წაგებული ისევე ქართველი ერი უნდა დარჩეს.

ცხადია კავკასიის ერთა სოლიდარობა აქ არაფერს შუაში არ არის.

კავკასიის ერთა სოლიდარობისათვის ის კი არ არის საკირო, რომ ყველა ერთნირათ უფლება აყრილი იყოს, არამედ ის, რომ ყველას თავთავის ტერიტორიაზე სრული პოლიტიკური ავტონომია ჰქონდეს.

საქმე იმაშია მხოლოდ, რომ აქაური სოციალდემოკრატიული პარტია, როგორც ცენტრალისტური, პრინციპიალურათ წინააღმდეგია კავკასიის ერთა სრულ უფლებიან ავტონომიისა. მისი წინააღმდეგობა სრულებით უმნიშვნელოა სხვა ერებისათვის, რადგანაც ისინი თვითონ გადაქრიან თავის ზედს და ჩვენებს არ მიმართავენ: ძვირფასო ინტერნაციონალისტებო გთხოვთ გადაგვიქრათ ეროვნული საკითხით.

ჩვენთვის კი ამ წინააღმდეგობას საბედისწერო მნიშვნელობა ექნება, თუ თვითონ ხალხმა, მუშებმა და გლეხებმა არ აიმაღლეს ხმა.

ივ. გამართელი

ჰატარა სიმღერები

1

წინ, წინ, ძმებო ნუ შედრკებით;
იმედმა კვლავ ფრთა გაშალა:
ბოროტების მეუფებას
ერთი ბურჯიც მოეშალა!

კოტაცა და მის ძალიდან
ნატამალიც არ დარჩება...
მაშ წინ, ძმებო, ახლოსაა,
ახლოს სრული გამარჯვება!..

2

უკრაინა და ფინეთი,
ესტონეთი და ლიტვია
ერთის გრძნობით გამსქვალულან,
ერთ მიზნისკენ მიილტვიან:

ყველას თავისუფლება სურს,
თავგანწირვით იბრძვის მისთვის...
შენ რას უცდი, საქართველოვ?!
რატომ შენი ხმა არ ისმის...

3

როგორც ქართველს, თავი მომწონს
წერეთლით და ჩხვიძეთი,
რომ თავყვანს სცემს, ვით უკეთეს
თვის ბელადებს მთლად რუსეთი

და საწყენად მხოლოდ ის მაქვს,
ის აღმივსებს გულს სევდითა,
რომ ჩვენებურ ვინ-ინჩენკოს
ვერა ვხედავთ მათ გვერდითა...

ესეკე პეპეკო

1917 წელ



საჭიროა გაბედული ნაბიჯი.

ერთი მყავს ათასი მყავდესს
მიჯობსო, ანუ დღევანდელი
კვერცხ ხვალინდელ ქათამს
მირჩენიაო, — გითქვამთ თქვენ
ჩემნო ძმანო გლენხო.

დღეს, როდესაც შეგიძლიანთ ეს თქვენი-
მცნება საქმედ აქციოთ, კიდევ ორკოფობთ,
გაბედული ნაბიჯი ვერ გადაგიდგავთ და ზეცი-
დან ელით მანანას?

ეს ხომ ძველებური ზღაპარია. და განა
კვლავ ზღაპრებით გამოიკვებებით?

აბა შეხედეთ რავედნი პარტია, რავედნი
ნასწავლი გეხვევათ: ასე და ასე უნდა მოგი-
აოთ, ესა და ესა გტკივათ, წამალი აქა და
აქ უნდა დაგადოთო.

განა თქვენ არ იცით, რა გტკივათ,
წამალი სად დაიდვათ?

კი, მაგრამ პირში რო წყალი ჩაგიყენე-
ბია და არას გათქმევენებენ?

მერე ასე რას ზგეარშიყებთან“ ეს სხვა და
სხვა ჯუჯის მოღვაწენი?

იმიტომ რომ თქვენში უდიდეს ძალას
ხედავენ. რევოლიუციის გამარჯვებისთვის კი
თქვენი ძალა ძლიერ საქიროა: თქვენ ხომხორცი
ხორცთაგანი, ძვალი ძვალთაგანი ხართ ჯარია,
და მუშების და თუ თქვენ შეგნებით დარაზ-
მულად არ ამოუდგებით დღეს რევოლიუციო-
ნურ ჯარს—განა რევოლიუცია გაიმარჯვებს?
არა!

რევოლიუციას რავედნიმე კაცი კი არა
ჰქმნის, არამედ მთელი ხალხი, მთელი ერი.

რა არის რევოლიუცია?
წინადაც მითქვამს: ძველი წყობილების,
სულიერ-ხორციელ ჩაგვრის, ეროვნულ-ქონე-
ბრივ უსამართლობის მოსპო.

ვის შეუძლიან ეს?
თქვენ და მხოლოდ თქვენ.

ამიტომ უნდა ამოიღოთ ხმა მედგარი,
გადაღვით გაბედული ნაბიჯი!

დაარღვიოთ სულიერი მონობა, მოსპოთ ერო-
ვნული ჩაგვრა, გაასწორონ ქონებრივი უსა-
მართლობა.

რა გინდათ თქვენ?
მიწა-წყალი, ადგილ-მამული.

რადენჯერ გითქვიათ კერძოთ; რო გააბამთ და მღვდლებივით გვიქადაგებთო, ჩვენ საქმე გვინდა, მიწა მოგვეციოთ, მიწა თუ გინდა ყიდვით იყოსო, ცარიელ დაპირებით ბელელი ვერ აივსებაო.

მაშ ეს თქვენი სურვილი საქმედ უნდა აქციოთ.

კიდევ რა გინდათ?

თავისუფლება, რო თქვენი შინაური ყოფა-ცხოვრება ისე მოეწყოს, რომ არც მწვადი დაიწვას, არც შამფური: არც რუსეთს მოშორდეთ, არც მეზობლებს—ყველამ ძმურად იცხოვროთ, თავის ოჯახის ამაღლებით საერთო სახემწიფოს ოჯახი გააძლიერონ, არცა ვინმე დაზარდოთ, არც თქვენ დაგზავრონ.

როგორი წესწყობილება მოგცემთ ამას? საქართველოს თვითმართებულები გამგეობა ანუ ტერიტორიალური ავტონომია.

ამაშია თქვენი ხსენა.

მართალია ამას წინადაც ერთმა პარტიამ თქვენი დასტურით მიიღო საქართველოს ეროვნულ-ტერიტორიალური თვითმართებულობა და თუმცა არარაობას ცალ-უღელი ხარი სჯობია, მაგრამ ამას ის ნაკლი აქვს, რომ თქვენი ყოფა-ცხოვრების შესახებ კანონებს თქვენ ვერ გამოსცემთ, ისევ სხვებმა უნდა დადგინონ.

ეს იქნება ნახევარი თავისუფლება.

განა ნახევარს მთელი არა სჯობია, უთავოს თავიანი?—სჯობია და თქვენც სრული თვითმართებულობა უნდა მოითხოვოთ. ეს არის ტერიტორიალური ავტონომია.

ბევრჯერ მითქვამს, კიდევ გავიმეორებ: ამას თხოულობენ რუსეთის ყველა ერნი, ყველა ჩაგრული ხალხიდა თქვენ, ჩემო ძმანო, ქართველო გლენხნო რაღას ჯიუტობთ, რა ქვა შეგიგდია და თავი შეგიშვერიათ, ავტონომია არ გვინდაო.

იმიტომ ხომ არა, რომ პარტიული პროპაგანდისტები თითს გიქნევენ: საკუთარი ფიქრი არ გაბედო, ჩვენ მოგვეყვებო და ისინი-კი ერთხელ ამოფურთხულს ალოკავენ?

ვერა!

თქვენ, ჩემნო ძმანო, საქართველოს ყოველი ერის შეიღნო, თქვენ კავკასიონის შრავალ ტომიანო მკვიდრნო ხელერთიუად უნდა სთქვათ: ჩვენ გვინდა ავტონომია.

თქვენ ეს ერთპირად უნდა სთქვათ თუ ეხურება მას დაკანონო, დამფუზნებელი ეროლო მას ანგარიში გაუწიონ.

გაუმარჯოს თქვენს გაბედულ ნაბიჯს..

იოსებ იმედაშვილი.

პროვინციის თეატრი.

ყველა კულტურულ და დემოკრატიულ ქვეყნებში დიდი ყურადღება აქვს მიქცეული სახალხო სცენას. სახალხო თეატრი სულიერი საზრდო შეიქნა დემოკრატიისთვის. დემოკრატიული ჰიესები ხელს უწყობენ კლასთა ბრძოლის გაღვივებას. ვისაც უნახავს „უან და მადლენა“, „მეფე“, „იმედის დაღუპვა“ და სხვა ნათლათ აქვთ წარმოდგენილი ბურჟუაზიის გაუშადღრობა და მუშათა კლასის აუტანელი მდგომარეობა. მუშა, დიდი ხნის სამუშაოს ძენის შემდეგ, ქანც მიღებული, შიმშილით გაშტერებული, უფსკრულში გადავარდება და ქურდობით თავის რჩენას შეუდგება. როცა ასეთ რამეს ხედავ გრძნობით განსახიერებულს სცენაზე, ყოველივე ნათლათ წარმოგიდგება, და ცხოვრებას შესაფერისათ დააფსებ მაგრამ უბედურება იმაშია რომ დღეს სცენა კარგავს თავის მნიშვნელობას, სოფლათ არსებულ წარმოდგენების მართვით. მაგალითად გურიაში საღ და ვინ გიდათ წარმოდგინებს, რომ არ მართვიდეს. რა შთაბეჭდილება უნდა მოახდინოს ხალხზე ისეთი რთული დრამის დადგამა როგორც „მსხვერპლია“, როდესაც მისი „ალმასრულელებლი“ გარდა 2-3 პირისა, 15-16 წლის მოწაფეებისაგან შესდგება, როგორც ეს სოფ. ბუკის-ციხეს მოხთა და რომაეებსაც წარმოდგენაც კი არა აქვთ ხელოვნებაზე. ქართულ თეატრს უბედურება მოეღის თუ ამ გზით ვიარეთ. ხალხს თეატრი შესძულდება და მერმე კარგი ძალებიც რომ იქნეს იმასაც არ დაესწრება. საქიაო ახალგაზდა „არტისტებმა“, თავი ანებონ დრამებით თავის და ხალხის წვალებას და დაკმაყოფილდენ მხოლოდ საბავშო პიესებით, პატარ პატარა ვოდევილებით და უმთავრესათ ლექსებით და იგავ არაკებით რაც ხალხს უფრო შეაყვარებს სცენას. სწორეთ ასეთ საღამოს დავესწარი საღგურ საჯავახოში 16 ივნის, რამაც ძლიერ კარგი შთაბეჭდილება დატოვა მაყურებლებზე გამოცდილ პირთა ხელმძღვანელობით, მოწაფეებმა, მოწაფე-ქალი ექიმ ჯაშის ასულის მეთაურობით წარმოადგინეს საბავშვო პიესები. დადგეს ცოცხალი სურათი, და მშვენიერათ წაიკითხეს (განსაკუთრებით მოწ. ქალმა ჯაშმა) რუსულ-ქართული ლექსები. ხალხი მეტათ კმაყოფილი დაიშალა. წარმოდგენის დაწყებამდე ხალხს სიტყვით მიმართა იურისტმა თარგამაძემ. სწორეთ ასეთი წარმოდგენები უნდა მართონ მოწაფეებმა და საჭიროც არის. გრიშა შარაშიძე

ტბა? (ქაღვას აძღვეს) მე მძაგს ქალაქური ცხოვრება. ჩემი იდეალი მაღალ გილავან შემოვლებული დიდ პარკში ცხოვრებაა. ასეთი გარემოება კაცს შეძლებას აძლევს თავისებურად იცხოვროს.

ფრ. ანნა. თქვენ ეპიკურის მიმდევარი ყოფილხართ.

იოშ. დიახ, მართალი ბრძანდებით! გარწმუნებთ რომ ამას აღარაფერი სჯობია. თქვენ ხომ არ შეგცივათ. — რადგანაც...

ფრ. ანნა. არა, სრულებითაც არა. მე მაგრე გასათუთებული არ ვახლავარ. (იფანჯესი გზას უთმობს ანანს. რაფიენი შუშახანდში გადიან, — მოსჩანს — იფანჯესი რაფორ უსხნის სურათებს სტუმარს ქაღს. შემდეგ ხაღში მიეფარებიან. ბრახენი და შემდეგ კეტე შემოდიან სწოლ რათხიდან)

ბრ. (ათვალიერებს) წასულან.

ფრ. კეტ. წასულან?

ბრ. ბავშვის შესახებ ნურაფერსა სწუხართ... ეგ ჩვეულებრივი მოვლენაა.

ფრ. კეტ. მე ძალიან მაწუხებს.

ბრ. რათა?

ფრ. კეტ. (დამიჯივით) პირველად რომ ვევაშინე, სწორე გითხრათ, გულის ფრიალი მომივიდა.

ბრ. მეტად ნერვებ აშლილი ხართ.

ფრ. კეტ. მართლა, ძალიან ამეყია?

ბრ. ვინა?

ფრ. კეტ. იმ ფრეილინაზედ ვამბობ.

ბრახენი. ანნა მარია? ამეყია? რას ბრძანებთ? სრულებითაც არა.

ფრ. კეტ. რატომაც არა? მე იმის აღაგას ძალიან ვაფამპარტავნდებოდი.

ბრ. სრულებითაც არა! რას ბრძანებთ?! ტყუილათ წარმოგიდგენიათ იმისი სიამაყე.

ფრ. კეტ. პირიქით, მე დიდ პატივცემას ვგრძნობ მისდამი.

ბრ. ჰო, ხანდისხან ცოტაოდენ თავებლობას იჩენს, მაგრამ შეიძლება კაცმა გადააჩვიოს. (სიჩუმე).

ფრ. კეტ. იოჰანეს ზოგიერთა ხელნაწერები სტოლზე დაუტოვებია. ნეტა მაგ ქალს გაეგება რამე ამ ნაწერებისა?

ბრ. ვგონებ გაეგება.

ფრ. კეტ. მართლა? ოჰ, რა შესაბრაღისინი ვართ ჩვენ, უსწავლელები.

ბრ. არც მე მიმიღია დიდი განათლება, მეც არა ვყოფილვარ უნივერსიტეტში, მაგრამ ამის გამო სასკოლო სიბრძნით დატვირთულ ქალებზე ჩემ თავს დაბლა არ დავაყენებ...

ფრ. კეტ. უეჭველია კარგათ ლაპარაკობს.

ბრ. კარგათ ლაპარაკობსო? ოჰ, ღმერთო ჩემო, არა ისიც ისე ლაპარაკობს, როგორც ჩვენ ყველანი... მართლა ქვიანი ქალია, მაგრამ იმის თქმა... რომ.

ფრ. კეტ. (დამიჯივით) წინეთ ძალიან მიყვარდა ყბედობა, მაგრამ ეხლა ხმის ამოდებისაც კი მეშინიან, უბრალო სიტყვის თქმაც ვერ გამიბედნია. (შუშახანდის კარებიდან უძახის) ერთი პრიბორი კიდევ მოუმატე.

ფრ. ფოკ. (შუშახანდიდან, სიდაც, ის სუფხას ამზადებს) ჩვენთან კიდევ ვინ ისადილებს?

რფ. კეტ. ფრეილინი (ქაღი შეიჯი).

ფრ. ფოკ. ვინა? ჰო! კარგი კეტე, ვიცი.

ფრ. კეტ. (აზვრით ბრახენს) ახ! გვიანლაა ეხლა! რა ვქნა. გზა-კვალი ამერია. ვცდილობ, მაგრამ ტყუილა უბრალოთ. (ვარდების თაიგულს უუწრებს) შეხედე რა მშვენიერია: ჯერ არ დამქენარა (თაიგუდი ბრახენთან შიამქეს) დაყნოსე რა მშვენიერი სუნი აქვს!

ბრ. საუცხოოა.

ფრ. კეტ. (თაიგულს თავის აჯაგას სდგამს) ახალგაზდაა?

ბრ. ვინ?

ფრ. კეტ. ფრეილინ მარია.

ბრ. სწორე მოვახსენოთ არ ვიცი რამდენი წლისაა.

ფრ. კეტ. მე უკვე ოცდაორი წელი შემისრულდა. დიახ, დიახ. დავემვი თავდაღმართზე.

ბრ. რასაკვირველია! ციცაბ დაღმართზე!.. (იფინის)

ფრ. კეტ. მე მაინც სულელი ვარ (ფრ. ფოკერათი თავს გამოჭყოფს კარებში)

რფ. ფოკ. ეხლა ყველაფერი მზათ არის, შეილებო! (უკახეე გაღის, ისმის ძახილი: მამა, მამა. (ხატ. ფოკერათი და პასტორის საუცხოვეო გუნებაზე აჩიან. შუშახანდის კიბეზე ამოდიან).

ფოკერ. (გადებული კარებიდან. ხეღში პასტორის ხაღტო უჭიარავს.) აბა გთხოვთ მობძანდეთ და შეინახოთ

პასტორი-კოლდინი. (სულში უჭირავს შლიაზა, პლედი ჯოხი. იცინის, თან სიგარას ეწევა) ხა.. ხა.. რამდენი ვიცინე! მომხედე... ხა.. ხა.. რამდენი ვიცინე!

ფოკერ. ბატ. პასტორო, გარწმუნებთ რომ ნამდვილი ამბავია—ფაქტია. (პალტოს ჭკილებს **პასტორ.** „ბატ. ნეიგებაურ, კიდევ რას მიბრძანებთ! (იცინის) ხა. ხა.. „რას მიბრძანებთ!“ (იცინის. შლიაზასა და პლედს ჭკილებს, თავზე პატარა ქუდი ხურავს)

ფოკერ. (ისიც იცინის) ბატ. ნეიგებაურ (ბრაუნს) ბატ. ბრაუნ! სოფელში მიცვალებულს თურმე ასაფლავებდნენ. მიცვალებულის ყველა ნათესავები კუბოს გარს ეხვივნენ და უცებ... (სახის გამომეტყველებით შეძრწუნებას გამოხატავს) რაღაც ხმა შემოესმათ... ასე გონია სკამი გაატურეს იატაკზე, ან სხვა რამ ამ გვარია (კიდევ შეძრწუნებას ხატავს) ყველანი შეშინდნენ. მხოლოდ ეკლესიის დარაჯი არ შეკრთა. ის უფრო გულადი გამოდგა: ერთხილათ მივიდა კუბოსთან. (აჯვარებს და სტოლზე თითოთ აჯაკუნებს) ბატ. ნეიგებაურ, ბატ. ნეიგებაურ, კიდევ რას მიბრძანებთ? (მხიარული სიცილი შეორდება).

პასტ. (იცინის) გამიგონეთ ხა.. ხა.. ხა.. ეს კარგია! მე კარგათ ვიცნობ იმ ეკლესიის დარაჯს.

ფრ. ფოკერ. (შემოდის) მამილო, მობრძანდით თორემ სუფი გაცივდება.

ფოკერ. ბატ. პასტორო, გთხოვ მობრძანდეთ.

პასტ. თქვენ მაინც შემაცდინეთ (სიგარას ნამწკარს საფერფლეში აგდება) ყური მიგდეთ, ფრაუ ფოკერატ!..

ფოკერ. (აბიჯებს რძაღს ხელი მისცეს) იოჰანესი სად არის?

ფრ. ფოკ. ის ქალიშვილი? იოჰანესისაგან მწყინს, ღმერთმანი. საკმელები გაცივდება.....

ფოკ. (მხიარულად) ჰხედავთ ბატ. პასტორო! ჩიტის რძეცა ჰქონდათო?

პასტ. და მშიერები კი დაბრუნდნენ შინ.. ხა. ხა.. ხა.

ფოკერატი. უეჭველად ის ქალიშვილი იყო. ჩვენ დავინახეთ, რომ ვიღაც ქალ-ვაფი ტბაზე დაუკრავდნენ, არა ბ. პასტორო?

პასტორი. დიახ, დიახ, რასაკვირველია, ისინი წავიდნენ სასერიანოთ.

ფრ. ფოკ. ჩვენ დავსდეთ, ნულა მოუცდით. **ფოკ.** ვინც იგვიანებს...

ბრ. (რომელიც აქამდის ფანჯარაში უყურებდა) შოდიან, შოდიან

ფოკ. ეღრობოდათ. (იოჰანესი და ანნა შემოდის შუშაბანდის კარებთან)

იოჰან. ხომ არ დავგიგვიანია?
ფოკ. სწორედ ღროზე მოხვედით.

იოჰან. უკაცრაოთ. გთხოვთ მაპატიოთ... ტბაზე სერიანობა ისეთი სასიამოვნოა. ნება მიბოძეთ გაგაცნოთ (წარუდგენს) ბატონი პასტორი კოლდინი, მამა ჩემი დედაჩემი!

ფრ. ფოკ. ჩვენ უკვე გავიცანით ერთმანეთი...

იოჰ. ჩემი ცოლი ფრეილინ მარია. (ყველანი მწუხარად შუშაბანდში გადიან ხელი სულ გაუჩივლები: ფრაუ ფოკერატი—პასტორთან, ფრაუ კეტე მოხუც ფოკერატთან, ფრეილინ შარბი-იოჰანესთან, უკან მარტო შოდის ბრაუნია) თათხი დაცარდულდება. ძიძის ნახა ისმის. შუშაბანდიდან მოისმის თეფშების წკრიალი. თათხში მარდათ შემოდის კეტე. შაფიდან რიდადის გამოტანს აბიჯებს, თან შემოსდევს ფეხსაკრებთ იოჰანესი).

იოჰან. კეტე, აბა მაგას რათ შერები? ხო იცი რო სირბილი გაზნევს. შენ დავსენ. ყველაფერს მე გავაკეთებ...

ფრ. კეტ. კარგია ერთი! არც მაგრე სუსტი ვარ...

იოჰან. (ძლიერ ადღეფებუღია) გამიგონე! ეგ ქალი სულ სხვანაირი ქმნილებაა. არა? რა ცოდნა აქვს! როგორი თავისებურობა ეტყობა მსჯელობაში!.. და წარმოიდგინე, რომ დიდ გაჭირებას განიცდის თვიდან თვემდის ძლიერს იოლას გამოდის. გახსოვს, ერთხელ ბრაუნმაც გვიამსბო. იცი რას გეტყვი? მე ვგონებ, ჩვენ უნდა ვთხოვოთ მაგ ქალს, რომ ერთი ორი კვირა ჩვენთან დარჩეს:

ფრ. კეტ. როგორც გინდა ისე ჰქმენი.

იოჰ. მე კი რა, მაგრამ შენ უსათუოდ გჭირია კარგი ამხანაგი, უნდა მოვიწოდოთ მაგისი დარჩენა! იცი რამდენ რასმეს შეისწავლი მაგ ქალისაგან!

ფრ. კეტ. იოჰანეს, შენ ხანდისხან აუტანელი ხარ!

იოჰან. ვანა მირთალს არ ვამბობ? შენ ყოველ ღონისძიებას უნდა ხმარობდე, ყოველ შემთხვევით უნდა სარგებლობდე, რომ გონებით განვითარდე; უნდა მიისწრაფოდე ამ მიზნისკენ.. შენ ორივე ხელებით უნდა დაეხმარე მამა ქალს, მაგრამ შენი მხრივ ასეთი გულგრილობა სწორე გითხრა, არ მესმის.

ფრ. კეტ. მე ხომ მსურს. მინდა ყველა ის, რასაც შენ ამბობ იოჰანეს!

იოჰან. თქვენში ნაპერწყალი არ არის! ის ღვთაებრივი ნაპერწყალი!.. არც ერთი ბეწო ინიციატივა!.. ეს საშინელებაა! (ხასტარა დახით ჭიქასზე აკაკუნებს)

ფრ. კეტ. ჰანეს, წადი წადი, პასტორი საღვთაგანთაგანს ამბობს. მეც ეხლავე მოვალ! მე მინდა და მივისწრაფი კიდევ!.. უხერხულია რომ სუფრას ორივემ თავი დავანებეთ, როდესაც...

იოჰან. კარგი, კეტე, დამშვიდდი ნუ ჯავრობ.

(ცრემელ შორეულ თვალებს უკაფრის და სანქაროთ შუშახანდში გადას), ხასტარის ხმა ისმის, საწოლ თახანადნ მოისმის ძაძის ხანა. ფრანუ კეტეს რადან ემართება. იოჰანეს გასვლისთანავე ღონე ეღვება. გაულა უნდა, მაგრამ ეძინება. სტოლსა და სკამებს ებნება. თავბრუ ესმის. ბოლოს ფეხზე დგომის ვეღარ შესძლებს და სკამზე ჯდება. ერთ წერტილს გაუშტერებს თვალს და ტუნებს აღმაცურებს, თვალები ცრემლებითა აქვს სავსე. ხასტარა სიტუაციას ათავებს, ჭიქების ძაკრების ხმა ისმის. კეტე გონს მოდის, ძაღლტანებით დგება და დასუსტებული ნახიჯით შიდას შუშახანდისაკენ.)

ფარდა

შოქმედება მეორე.

შემოდგომის საგუნდო დილაა. ფრანუ ფოკერატი, საშინაო ტანისამოსით, გულსაფარ გაკეთებული, — დილის უკანასაგის სტოლს ამზადებს ისმის კაცების ხოროს სიმღერა. მგალობელთა საზოგადოება ჩაუვლის სახლს გვერდზე. კარებში გამოჩნდება ანა მარა, რაშეღსაც ხელში უკრძნით სავსე კადათა უჭირავს. ანა შედგება და სიმღერას უკრძნებს. შემდეგ ხელით თვალებს იწრდიდას და შორს ტბისაკენ გაიუკრება სიმღერა თანდათან შისწყდება. ანა შემოდის.

შოკლე სახელოებიანი შავი დილის კაბა აცვია თანზე გადაკლებული აქვს შავი აბრეშუმის „ნახოტი“ (კრუჩევის თანზე მოსახვევი), გულზე მიმაგრებული აქვს შემოდგომის ფერადი უკანა ჯების თაიგული).

ფრ. ფოკ. დილა მშვიდობისათ, ფრეილინ!

ფრ. ანა (კალათს მაგიდაზე სდგამს, მარბის ფრ. ფოკერატთან და ხელებს უკაფრის) დილა მშვიდობისა, დედი.

ფრ. ფოკ. ასე აღრიანათ კიდევ ამდგარ ხარ, ჩემო კარგო?

ფრ. ანა. მე და ბატ. იოჰანესი ყურძენსა ვკრეფთ.

ფრ. ფოკ. ეხლა სწორეთ დროა. (უკრძნის გამათი სინჯავს) სულ ერთია, ეხლა სიტკობო მაინც აღარ მოემატება... ფრეილინ, განა არა გცივათ (შეშველს მკლავზე უჭიკანებს) ასე სუბუქათ რო გაცივათ? ვგონებ დღეს კარგათა გრილა.

ფრ. ანა (შემდეგი ღაზარაკის ღრის სიფრთხილით ალაგებს კალათიდან შტეგნებს და ხანხანზე შიდას) მშვენიერი გრილი ჰაერია, მაგრამ სიტყვე აინუნშიაც არ მომდის; სიტყვის მივეჩვიე. საუცხოვო ჰაერია! დღეს დილით ნაგების დანახმელი მარგილები სულ ერთიან თეთრი იყო რთვილისაგან: საკვირველი სანახავი იყო! საზოგადოთ უნდა ვთქვა, რომ მშვენიერობაა აქაურობა. დედა ფოკერატი, არ შეიძლება მოგენმაროთ?

ფრ. ანა. საშაქრე მომაწოდეთ, გეთაყვა.

ფრ. ანა. (საშაქრეს სტოლზე დასდგამს. სტოლს მიუუღდება და შორს გაიუკრება) თქვენ ხომ არ გწყინთ, რომ დედა ფოკერატს ვეძახი?

ფრ. ფოკ. (სიბილით) აბა ეგ რასათქმელია.

ფრ. ანა. მე ძალიან მოხარული ვიქნები, თუ ნებას მომცემ ასე გიწოდოთ. (მოულოდნელათ გატაცებით ჭკაფრის ფრანუ ფოკერატს) დიდათ და დიდათ გმადლობ იმისათვის, რომ ცოტა ხნობით თქვენთან ცხოვრების ნება მიბოძეთ.

ფრ. ფოკ. მაგრამ ჩემო ფრეილინ ანა.

ფრ. ანა. რომ იცოდეთ რა ბედნიერათ ვგრძნობ თავს თქვენს ოჯახში ყველანი რაც გულმტკივნეულად შექცევით. საერთოთ

კი მეტად კარგი ხალხი ბრძანდებით..

ფრ. ანნა. დახეთ მომითმინეთ, კაბაზე ღვთის მშობლის ძაფი გაქვთ. (აღღის ობობის ქსეჯის ძაფებს).

ფრ. ანნა. მე სრულებით არ შეგონა, რომ ამისთანა ბედნიერი ოჯახი იქნებოდა სადმე, ჩემ სიცოცხლეში ამისი მსგავსი არა მინახავს რა და ვერც წარმოვიდგენდი თუ იყო.

ფრ. ფოკ. (ქსეჯის აფლის) აბა ეგ რა სათქმელია, ანნა. აი აქ კიდევ ბაწრებივითა გვიღიათ....

ფრ. ანნა. დედა ფოკერატ, თქვენა გჯერათ ეს ცრუ მოწმუნობა?..

ფრ. ფოკ. სრულებითაც არა, არა ჩემო კარგო!. თქვენ მართალი ხართ!.. უფალმა ღმერთმა დიდათ დაგვასაჩუქრა თავის მოწყალებით, მაგრამ ყველაფერი ის არ არის, როგორათაც შეიძლება რა ყოფილიყო.

ფრ. ანნა. არ ვიცი... ღმერთმანი.. რაზედა ბრძანებთ... ყველანი ვინც აქ არიან.. ნუ, მაგას ნუ ბრძანებთ..

ფრ. ფოკ. არა, არა, თქვენ მართალი ხართ. სამდურავი არ გვმართებს (სიტყვას ბანზე აგდებს). მართლა, კარგათ მოხდა რომ ჩვენთან დარჩით. (იღუშაძად) იოჰანენ თქვენ სწორედ მფარველ ანგელოზად მოველინეთ.

ფრ. ანნა. (შეშინებული. უფითაღება, შერეული წითლდება. შემდეგ უფათა ადგევებული გუბნება) თქვენ ხომ ცოტათი მაინც გიყვარვართ?

ფრ. ფოკ. ძალიანაც მიყვარხართ.

ფრ. ანნა. მაგრამ, უქველია, იმდენად არა, რამდენათაც მე თქვენ მიყვარხართ: როგორც ალალი დედა სწორეთ ისე შემიყვარლით (იღებს ხეჯში წარაქვ კაფათას და ბადში აბარებს) ბატ. იოჰანეს არა ჩვეულებრივი და მეტად ჩვილი გული აქვს.

ფრ. ფოკ. როგორ?

ფრ. ანნა. ისე, საერთოდ... მაგალთად, გუშინ ქუჩაში მთვრალი კაცი შეგვხვდა. სწორედ იმ დროს ყმაწვილებიც სკოლიდან გამოიშალენ.... არც დიდები უსვენებდნენ მთვრალს. მიუტელის კოშკის მახლობლად დიდძალი ხალხი შეიყარა.

ფრ. ფოკ. დიხ, მაგას ვერ მოითმენდა. მაგისთანა შემთხვევაში თავს ვერ შეიკავებს.

ემაგისთანებისათვის ბევრი უსიამოვნება შეხვედრია

ფრ. ანნა. დედა, განა ეგ საქმეები არ არის?

ფრ. ფოკ. ქების ღირსია... რატომაც არა. რასაკვირველია, კეთილი ყმაწვილია... მაგრამ თუ კარგათ დაუფიქრდებით: რა მინდაო? რის მაქნისია ასეთი გულკეთილობა? მაგაზე თუნდა ათასჯერაც რო კეთილი იყოს რა გამოვიდა? ღმერთი კი დაკარგა და... დიხ ძნელი, ასატანია, დამერწმუნეთ. განსაკუთრებით დედისა.. და მშობლისათვის, რომელთაც არაფერი დაზოგეს, თავი დასდეს, რომ შვილი კეთილი ქრისტიანი გამოეყვანათ (მდედგანების დასაფარავათ ცხვირს იწმუნდს) ეს შეჩვენებული სურდოც რამოდენიმე დღეა... (მტკვრს სწმუნდს. მცირე ხნის შემდეგ) კეთილია, უქველად კეთილია! ყველა ეგ ძალიან კარგი მაგრამ მწუხარება კი გაორკეცებული: ცხადათ ეტყობა, ურწმუნობისაგან თვითონვე როგორ იტანჯება, არაფერში, რა საქმეც გინდა დაიწყოს, ხელი არ ემართება მუდამ რაღაცა აწუხებს.. სულ საითკენაც მიეჩქარება, მიეშურება. მაგისი ცხოვრება ცხოვრება კი არა, რაღაც დოღია, მარულაა... კიდევ კარგი, რომ აქედან რამე გამოდიოდეს, მაგრამ არა, რამდენსა სცდროლობს, მაგრამ უკეთესობა არაფერში ეტყობა... პატარაობისას კი ყველა სათვის საკვირველი რამ იყო. მახსოვს ჯერ ისევე პასტორ შინდელმა... მაგისაგან ყველა გაცეხული იყო. თორმეტი წლისა მეორე კლასში გადავიდა, ჩვიდმეტი წლისამ გამნახია გაათავა... ეხლა?... ეხლა ყველა ნაამხანაგრებმა გაასწრეს. მაგაზე გაცილებით ნაკლები ნიჭისანი კარგა ხანია სამსახურში არიან.

ფრ. ანნა. სწორე მოგახსენოთ, ეგ ადვილი გასაგებია: ბატ. იოჰანესი უბრალო მომაკვდავზე მალლა სდგას, გაკვერილი გზით სიარული მაგისი საქმე არ არის. ბატ. იოჰანესი იმ ადამიანთა რიცხვს ეკუთვნის, რომელნიც ცხოვრებაში ახალ გზებს ეძებენ.

ბრ. ფოკ. მაგისთვის კი გახვრეტლი გროშს არგინ მოგცემს, ფრეილინ ანნა! მაშ რისათვის იყო ამოდენა შრომა-მეცადინეობა, თუ უსარგებლოდ დაიკარგება .. მე რო მკითხოთ, უკეთესი იქნებოდა უბრალო მუშა

სალამი სამშობლოსადმი

(საფსურ კაფოზე)

სალამი ჩემო სამშობლოვ, სამშობლო საქართველოო,
 თეთრ-შავ ზღვებს შუა მდებარე, მთა-ბარ-ტყე-ვინდორ-ველოო!
 ზოგან ზეცაში აჭრილო, სიმაღლით თვალის მქრელოო,
 ბუნებრიულო სიმაგრე, ვერაგ მტრას გულის მყრელოო!
 ზოგან ძირს დაბლად გაშლილო სწორ-ვაკე ტრიამელოო,
 ნაირნაირი ყვავილით ნაქარგო, მომხიბვლელოო!
 ზოგან გველივით კლაქნილო, ქედებო წვრილო, გრქელოო,
 სხვა და სხვა ხეხილ-მცენარით, ედემის ბაღო ვრცელოო!
 ძვირფას მანქანათ აღესილო, პირველო სამრეწველოო,
 ოქროს და ვერცხლის ბედელო, სიმდიდრით უღეველოო!
 მასთან ზე-ჭაერ-წყლებითა ავათმყოფთ გამკურნელოო,
 სიცოცხლის წყარო, წამალო სათაყვან-სამლოცველოო!
 სალამი აქა მცხოვრებო, ქართველო ტომო მთელოო:
 ქალდ-კოლხ-ივერთა ძე-შვილო, არსებით ძველის ძველოო!
 თუშ-ფშავ-ხევისურო, ინგილოვ, ქართლ-კახელ-იმერელოო,
 გურულ-მეგრელო აფხაზო, სვან-ლაზ-მესხ-აქარელოო,
 ჩერქეზ-ლეკ-ქისტო ჩაჩანო, ოს-რაჭველ-ლეჩხუმელოო,
 შთამომავლობით სისხლ-ხორციით, ერთო და განუყრელოო!
 ერთ დროს დიდ თამარ მეფისა სამწყსოვ და სამმართველოო,
 ერთგულო სპა-ჯარ-ლაშქარო, ამაყო უძლეველოო!
 თავისუფლების, სიმართლის მარად დარაჯო, მცველოო,
 მრავალ საკვირველ საქმეთა მომხდენ-ზამდენო მქნელოო!
 შენი ბრწყინვალე წარსულის ძველ ნაშთებითაც მოქმელოო,
 უცხოს და შინაურისთვის ყველასთვის საკვირველოო!
 მოყვრის მოყვრულად მიმღებო ზე-ტკბილო მასპინძელოო,
 მტრისა კი მტრულად შემხვედრო, ზურგზე ბოლ-ამდენელოო!
 სალამი უმხურვალესი ხალხ-ერო სისახელოო,
 სხვა რაღა გითხრა, გიამბო, რა ბევრი გაავარძელოო!
 უზენაესს ვსახვო მარად ქაშს იცოცხლო, იდეგარძელოო,
 იცოცხლო ძმობით, ერთობით, ძვირფასო საყვარელოო!

ვაგენი ღვალი.

ციმბარა.



ნაცნობები

— შენ ეი რატომ ჩემ შეკითხვებზე პასუხს არ იძლევი, რატომ?!

დუმბილი

— რატომ პასუხს არ იძლევი?!

კვალად დუმბილი.

— ეს ყუმბარები ვინ მოგცა, სად იშოვნე?

და შეშკითხველმა ხელი გაიშვირა მარჯვნივ, სადაც ყურამდე სავსე შეკრული ხელსახოცი იდო.

— რატომ არ იღებ ხმას, რატომ?..

აქ მაგიდასთან მიმჯდარი შეშკითხველი ზეზე წამოადგა, შემოუარა მაგიდას და მუშტ მოღერებული მუქპირით მიუახლოვდა მაგიდის წინ მდგომ ყმაწვილ კაცს, რომელიც თავ ჩაღუნული გაუნძრევლად იდგა და ხმას არ იღებდა.

— შენ გეკითხება მთავრობის წარმომადგენელი, შე წუპაკო! რატომ არ იღებ ხმას?! შე მ...!

და მოღერებული მუშტი ცხვირთან გაუქან-გამოუქანა.

— მიპასუხებ, თუ არა შე მ...!

შეშკითხველმა გაშალა შეკუმშული ხელი და სილა გაართვა თავ ჩაღუნულ მიმწინ მდგომ ყმაწვილ კაცს.

ყმაწვილი კაცი წაბარბაცდა, მაგრამ დროზე მაგიდას მარჯვენა ხელი დააყრდნო და ისევ ძველი მდგომარეობა მისცა ტანს. სახის ძველი გამომეტყველებაც არ შესცვლია მხოლოდ მარცხენა ლოყა და ყური მეტის მეტად გაუწითლდა.

ყმაწვილი კაცი დარიბულად იყო ჩაშული—ლურჯი ხალთი, შავი შარვალი და გახუნებული ტუფურკა უმოსავდა ტანს!

მთავრობის წარმომადგენელი ლანძღვავინებით და მუქპირით მეორე ოთახში გავიდა, ყმაწვილმა კაცმა ქვეშ-ქვეშ ცქერით თვალი გააღვენა მიმავალ პოლიციელს, რომელიც, რაც ის პოლიციაში მიიყვანეს, სხვებთან ერთად ჩვენებას ართმევდა და ამით ცდლიობდა თავის სხვა და სხვა შეკითხვებზე რაიმე პასუხი მიეძღო.

ყმაწვილი კაცის შორი ახლო ოთახისს მეორე კარებთან იდგა ორი დაბალი თანამდებობის პოლიციელი და თვალს ირ აშორებდნენ მას.

— კუზმა,—დაეკითხა ერთი პოლიციელი მეორეს,—აბა იცი ეს „ბუნტოვშიკები“ რათა სწერენ თავის წაგნებზე: პროლეტარებო ყველა ქვეყნისა, შეერთდით?

— ყველანი მ... ი არიან და იმიტომა.

მიიღო რა დამაკმაყოფილებელი პასუხი ნასიამოვნებმა ამნაირი ენამახვილობით პოლიციელმა, გაიღიმა და მიმართა ყმაწვილ კაცს:

— აბა, შე ძაღლო რა გრჯოდა, გდებულებიყავ შენ ქერქში! განა იმიტომ მიიღე სწავლა, რომ ყუმბარები აგროვო, იწანწალო, აგიტაცია ეწიო და ატყუო ხალხი?!

ყმაწვილი სცდილობდა არავითარი ყურადღება არ მიექცია პოლიციელებისათვის.

— კუზმა, მითხარი რა არის სოციალიზმი.

— შენ დღეს, ძმობილო, გადაგიკრავსო, აღხეინადა ხარ და ლაპარაკობ. მე კი ამმ დილას აქეთია მიმაჩემეს და ჯერ პირი არ ამიხსნია. გათენების აქეთია ელაპარაკებიან და კრინტი ვერ დააძვრევენეს. მე უფროსისა ვიყო, ვნახავდი როგორც არ მიპასუხებდა. განა გრძელ ბაასსა და ლაპარაკს გაუბამდი. ამისთანას კისერი ხომ თითონა აქვს, მე თოკს ვუშოვიდი და იმდენს გაქანავებდი, რომ ი ჩავარდნილი ენა არშინის ტოლა გადმოვარდნოდა.

პოლიციელს, რომელმაც ასე მოკლედ მოსჭრა, დაბალი ტანი და გამხდარი სახე ჰქონდა. იეორე კი, რომელსაც გადაეკრა, მაღალი, სუქანი და ღიპიანი იყო.

ეს ორი პოლიციელი დიდხანა ერთად მსახურებდნენ და დიდი მეგობრობაც ჰქონდათ ერთმანეთში. დილ-დილით უფროსთა ბრძანებისამებრ ორივე ერთად ჩადიოდნ ხოლმე სამიკიტნოებში საე ქვე პირების დასაზვერათ და წეს-რიგის დასაცავად, ამისთანა ძნელი სამსახურის ასრულების დროს რასკვრელია თითო კსკა არაყი უნდა გადაეკრათ, რის წინაც ორივე ერთი და იმავე დროს წამოიძახებდნენ ხოლმე:

— შენი სადღეგრძელო იყოს, კუზმა!

— შენი სადღეგრძელო იყოს, კოსტია!

ესეც საცნაურია, რომ ამ ოარივე წესრიგს დარაჯს სამიკიტნოებში სახელად არქვეს წყვილი შამაია, ვინაიდან წყვილწყვილად გადაბმული შამაებიც მათებრ აუცილებლად ერთი მოზდილია, მეორე მომცროსა და როცა ნახევარ ღუეინ არაყს შეათავებდენ, ხშირად გამხდარი კუზმა დანარჩენ სამიკიტნოების დათვალიერებაზე ცივ უარს ამბობდა სქელი კოსტია კი უფრო მხნელ ერთი განაგრძობდა სამიკიტნოების ზვერას. მხოლოდ ჭანშორების წინ კოსტია უსათუოდ დაარცხვენდა ხოლმე თავის ამხანაგს შემდეგის საგულისხმებრო სიტყვებით:

— ეჰე, ძმობილო, ეგრე მალე უნდა მოგწყინდეს მისი იმპერატორებითი უდიდებულესობის სმსახური?

ამნაირი სამსახურის ასრულების შემდეგ სულ სხვა გუნებაზე ღვებოდა სქელი კოსტია. ლაპარაკს არა სწყვეტდა და ენამახვილობდა, ვიდრე, როგორც იტყოდა ხოლმე გამხდარი კუზმა, მას ზარფუში არ გაუციელებოდა.

— აბა მშიერ კაცს რა ალაპარაკებს, ერთი მითხარი?— დაიწყო კვალად სქელმა კოსტიამ.— ამისთანა სოციალისტებს გადააკვრე-ვინონ პილატეს ცრემლი და მაშინ ნახე ამათი ლაპარაკი. სუყველაფერს გადმოყაქავენ— აღარც ჩაცემა მოუწდებათ, აღარც ჯანდაბა. მშიერი კაცი რას გეტყვის.

კარი გილო, მაგრამ გასულ ბოქაულის ნაცვლად ოთახში შემოვიდა მისი თანაშემწე შუახნის კაცი. მივიდა მაგიდასთან და აუჩქარებლად დაუწყო ქალღლებს სინჯვა. კარგა ხანი ღვათურა ხელი უჯრაში შემდეგ სკამი მაგიდასთან მისდგა და აპირებდა რა დაჯღამას, შეხედა მაგიდის წინ მდგომ ყმაწვილ კაცს და მისმა სახემ მიიღო ისეთი გამომეტყველება, თითქო პირველად შეენიშნოს უცხო კაცის იქ დგომა.

— აა, თქვენა ხართ, რატომ არ დაჯდებით. დიდი ხანია მოგიყვანეს?!

ჩვეულებრივი დუმილით გასცა პასუხი ყმაწვილმა პოლიციელს.

მოართვით სკამი.

სკამი გამხდარმა პოლიციელმა მოუტანა ყმაწვილ კაცს და უმალ გაშორდა.

— დაბანდით.

ყმაწვილი დაჯდა.

— წადით აქედან.

უბანა ბოქაულის თანაშემწემ პოლიციელებს.

პოლიციელები გავიდნენ.

— იცი რა გითხრათ, ბატონო არსენ ოქვენ გიკვირთ, რომ მე არსენას გიძახით და არა ნათლობის სახელს ალექსანდრეს?! უნდა გამოგიტყდეთ, რომ მე ყველაფერი ვიცი თქვენი წარსულიდან. არსენა თქვენ პარტიაში გიწოდეს, ხომა?

დუმილი.

— უნდა გითხრათ, თქვენი ნახვა ძალიან მენიტერესებოდა. თქვენ რომ გიკვირით, ჩემი ახლო წარსული მაგონდება. მეც კი ვიყავი ამაყი, ქედმოუდრეკელი, მაგრამ ცხოვრება. აბა რას იზამ კაცი, როცა ოჯახი, კოლ შვილი კისერზე გაწევს... ყმაწვილო, გთხოვთ ნება მომცეთ თქვენთან ბაახისა.

სიჩუმე.

— რამ გაიძულათ. გარეგოლიუციონერობა, ჩემი ღრმარწმენა და წინაღმდეგში ვერავენი დამარწმუნებს, რომ ის წრემ დამნაშავე, რომელშიც ტრიალებდით, და არა თქვენ. როგორც ხშირად ხდება, ვიცი თქვენზედაც ამხანაგებმა იქონიეს გავლენა, თითქმის ძალიად გაგხადეს რევოლიუციონერი.

სიჩუმე.

— ერთი გეთაყვა მითხარით, იცნობთ, თუ არა აქ გამოხატულებს.

ყმაწვილმა გადახედა სურათს, რომელზედაც შვიდი ყმაწვილი კაცი იყო გამოხატული და მათში თითონაც.

— ნუ მაოავთ, ყმაწვილო, ნურაფერს. მე გიმეორებთ, დაწვრილებით ვიცი თქვენი ყოველივე, გაჩუმება უფრო საქმეს გიფუტებთ... რა იქნა ეს თქვენი ექვსი ამხანაგი? დუმილი.

ყმაწვილს თვალწინ წარმოუდგა ორი ამხანაგთაგანი, რომელიც ჩამოაღრჩეს, ერთი, რომელიც გაქცევის დროს მოჰკლეს, სამნი კი მასთან ერთად დღევანდლამდე მუშაობდნენ პარტიაში.

— თქვენც აი ამსამის ბედი მოგელოთ, თუ ეგრე გაკერბდებით თქვით, სად არის აი ეს სამი თქვენი ამხანაგი?

დავ. ლუკა შვილი.

(დასასრული იქნება).

დაჭრილი მომღერალი (ესკიზი).

განთიადისას, ალიონზე ტყვიის ზუზუნი ჰქსელავდა ჰაერს; მელიზგერთის ველზე მურაღ-ჩაის პირას მოჰქროდა არაბული ბედაური, რომელზედაც იჯდა ჩაუქი ახალგაზრდა. ის ხან ზედ ეკვროდა ფაფარზე და ხან გადაწვდილი გვერდზე მოექცეოდა, რომ აცდინა მტრის ტყვიამ. ცხენი შეტორტიანდა და ყალყზე შესდგა. სასიკვდილოთ დაჭრილი მხედარი დეცა ქოფის გასწვრივ მოღზე და აღმოხდა შემზარავი გმინვა. თითქოს ამას ელოდებოდაო სროლა შეწყდა. სდუღა ხრიოკი ჩიდაზო, ეს ოდესღაც ზღაპრული კუთხე შესოპოტამიისა, ამ ქვეყნიურ ედემად წოდებული დროთა უკუღმა მსვლელობით გამოკრთებული მურაღ-ჩაი—ფერატი მიჰქუხდა და თან მიაგორებდა ტიტველ მითით მოგლეჯილ ლოდებს...

კვენსოდა მეომარი და იტანჯებოდა აუტანელ ტკივილისაგან. მისი სისხლი უერთდებოდა ფერატის გიემიე ტალღებს და წითელ ზოლებად ექარგებოდა ციაგზე მოციმციმე ზვირთებს... სკიხვინებდა ტაიკი და მოუსვენრად სცემდა მიწაზე ტოტებს.

მტერი თანდათან ახლოვდებოდა. ამომავალ მზის სხივებზე შორს ელვარებდნენ, ამოწვდილი ხმლები.

ისმოდა ცხენთათქარა-თქური. ერთ გული მეგობარი არა შორდებოდა პატრონს და ჰაბუკიც ჰგრძნობდა ამას, ზედავდა და გული უფრო უკვდებოდა...

— ჩემო რაშო, ჩემო სწრაფლომავლო ამხანაგო, გმადლობ საყვარელო, მალი ხარ, მაგრამ შენზე სწრაფი ყოფილა ტყვია—უაღერსებდა ცხენს და თან აღვირით სწევდა თავისკენ რომ გადაეკოცნა, ეწეოდა, მაგრამ ვერ აიწია უზანგოში დარჩენილი ფეხი ძლივს გაინთავისრფლა და დაეცა.

— ჰაუ ტილო სოფელო! როგორ შეუბრალებლად სწირავ ადამიანს, რა უღროვოდ?! ოჰ! ნეტავი სიზმარი მინც იყოს... —ამობოდა კვლავ და ჰნაბავდა თვალებს, რომ მართლა დაესახა და ეგრძნო სიზმრად.

ვინ უწყის! იქნება უსაყვედურო კიდევ თავსა, რომ მოხალისედ წავიდა ბრძოლის ველზე?! მას მოაგონდა ის წუთები, როდესაც ის მელოპომენის ტაძრის ასპარეზზე მაყურებელთაგან დაჯილდოვებული ნიქიერ თამაშობისათვის. აღფრთოვანებული, საამოვნებით გადაჰხედავდა ხოლმე წუთიერი მეფე... და დაავიწყდა წყლული; ველარა გრძნობდა ტკივილს... გონების თვალწინ რიგრაგად გაუქროლეს განვლილმა მოაგონებებმა და თავის და უნებურ აღმოხდა სიმღერა—არია სინოდლისა:

— ოჰ! თამარ! თამარ!...—მღეროდა და მის ხმას ნიავი ჰფანტავდა შორს.

ამ დროს თითქოს ყველა მას უგდებდა ყურს; თვით ქვნიც კი სმენად იყვნენ გაღაცეულნი.

მოახლოვებულმა მტერმა დასარტყმელად აღმართული მახვილი ძირს დაუშვა. და ეს სურათი მომღერალს მიაჩნდა დარიალის ხეობაში მომხდარ ამბავად: ფერატის უხუილი თერგის გააფთრებულ მძვინვარებად, ნიავის ქროლვა—კავკასიონის ქედის ბორიოდ, და თავზე თურქის დგომა „დემონად“ მტერი თავს ადგა და დასცქეროდა განცვიფრებული; ქვათ ქცეული გული. მისი აღამიანურ გრძნობას შეეპყრო. მას თუმცა არ ესმოდა მომღერალის ენა, მაგრამ, მაინც ფიქრობდა, რომ რაღაცას მოასწავებდა—მისი რწმენით—ეს არაჩვეულებრივი მოვლენა: კაცი კვდება და მღერის? მისთვის რაღაცა საიდუმლოს შეადგენდა და უსმენდა მახვილზე დაყრდნობილი...

— სუსანა... სუსანა... ჩემო დეათაბავ... — გაისმა უკანასკნელი ამონაკენესი — ჰანგი დაჭრილ მომღერლის და მისწყდა მთების იქით.

სიკვდილის ამბორის დროს ერთხელ კადვე მოიგონა თავისი გულის ტოლი. და თუ სინოდალი თამარს იგონებს, მან თავის მიჯნურის სახელით შესცვალა.

მას უნდოდა კვლავ გაცოცხლებულიყო ისე, როგორც ყოველ თამაშობის დროს მომავლადვის როლში, მაგრამ ეღირსება? სინოდლის შიკრიკი გუდალს აცნობებდა მაინც

საქმის ვითარებას და საქორწინოდ გამზად-
ბულ თამარს ბანოვანი უმღერდნენ:

„ელოდი ღებენასა,
შეხვედი კრემლოთ დენასა!..“

ვინ მიუტანს ამბავს სასიამოროს იქ,
შორს ცხრა მთას იქით სამშობლოში, ვინ აი-
მელოვნებს სუსანას?! ყველა მოშორდა, ყვე-

ლამ დასტოვა ერთგული ცხენის გარდა, მხო-
ლოც ის დარჩა მასთან და შესჭიხვინა უბე-
ღურება პარტახ მთა-ბარს..

ფერატი კი მიშხუოდა უდარღლოდ და
თავის მრავალ საუკუნიან მატინეში ერთ
ახალ ზოლს კიდევ ავლებდა...

ს. ერთაწმინდელი

(იბეჭდება მეორედ რადგან პირველათ ქვემოთ ლექსთან ვერ მოთავსდა)



ი. ა. გონიტაშვილი 1 კ. ჭაქრაშვილი 2 ი. თარ პიშვილი 3 ი. ჭაქრაშვილი 4 თეფდორაშვილი 5

ქართველ ჯარის კაცის სიმღერა.

უცხო ქვეყნად
უცხო მხარეს
გამითხრიან
შავს სამარეს.

სარტფო ჩემი
მკვდარს-მძინარეს
ვერ დამაფრქვევს
კრემლს აცხარეს.

სამშობლოთგან
გან შორებულს,
ბრძოლის ველზე
გაცივებულს

ვერვინ მიცნობს
დავიწყებულს
უცხოეთში
დამიწებულს,

ყვავი თვალებს
ამოკორტნის.
მეგონება
სარტფო მკოცნის.

ჰია-ღუა
გულს ამომხრავს,
მეგონება?
სარტფო ოხრავს.

ვერ მიხილავს,
ვერ ვიხილავ,
ნეტავ თავსა
ვისთვის ვიკლავ?

თუმც უგვლებავ
მე ბრძოლის ველს,
მახსენებენ
როგორც ქართველს?

თუმც გავიტან
ბრძოლით ლელოს,
ეშველება
საქართველოს?

კითხვა კითხვას
ემატება
და სიცოცხლე
მენატრება.

და სამშობლო
დაბორკილი
უბრძოლველად
დაპყრობილი

მე მეძახის:
„ჩემთან მოდი,
ჩემი ხარ და
ჩემთვის მოკვდი.“

ვისთვის კვდები, თავი იცან,
დამცინიან სირცხვილს იტან?“

დავით კობალი

თავისუფლებისთვის წამებული



ლეიტენანტი პეტრე შმიდტი.

1905 წ. სევასტოპოლის მეზღვაურთა აჯანყების მეთაური, რომელმაც ძველი—გაბატონებული წყობილების წინააღმდეგ გაბედვით ააფრიალა თავისუფლების დროშა. ცხრას ხუთი წლის განმათავისუფლებელი მოძრაობა ღროებით დამარცხდა. მასთან დამარცხდა შმიდტიცა. 1906 წ. მარტის 5 იგი კუნძულ „ბერეზანიზე“ სიკვდილით დაისაჯა. ამბობენ, როცა დასასჯელათ მიიყვანეს და ამხანაგს დაავალეს მისი დახვრეტაო, შმიდტმა გასძიხა: საშა გულში, გულში დამიმინენო. ჯალათებს



სასახლის ქუჩა
თავად აზნ. სახლი

ერთად ერთ რესტორან „კაფე პარიზს“ საზაფხულოდ აქვს ბაღი, სადაც სუფთა პაერზე შეიძლება საუზმის, სადილის და ვახშმის მიღებვა, არის ცალკე ფანჯატურები და კაბინეტები. საწოვადგე საუკეთესო ღირსებისაა პატივისცემით სილ. გიგიბერია.

უთხრა: იცოდეთ მე მკლავთ, მაგრამ ჩემს იდეას ვერ მოკლავთ: იგი თქვენ გაგანადგურებთო! მოკლულის ცხედარი მაშინ უპატიურად ჩაფლეს (მასთან ერთად დასაჯეს ორი მეზღვაურიც მაგრამ ახლა — რევოლუციის გამარჯვების შემდეგ — მისის 8 მისი ცხედარი დიდის დიდებით გადაკრძალეს. საუკუნო ხსენება თავისუფლების პირველ მერცხალს!..

წერილი რედაქციის მიმართ

მოძალაქე რედაქტორი

ჭურნალ „თეატრი და ცხოვრების“ მე 24-№-ში, სახალხო თეატრის ისტორია ავტორს გიორგი ჯაბაურს შეცდომით აქვს მოყვანილი, მითომ ი. ივანიძე და ალ იმედაშვილი რეჟისორათ ყოფილიყვნენ მოწვეულნი ვერის აუდიტორიაში. ისინი რეჟისორათ კი არ იყვნენ მოწვეულნი, არამედ სათამაშოდ. ივანიძე ციმბირელის როლში და ალ იმედაშვილი გაცრუბულ იმედებში“ გაბოს როლში, იმედაშვილი სულ მხოლოდ ერთხელ იყო მოწვეული სათამაშოდ, რეჟისორათ მაშინ მე (გიგო იორდანაძემ) გახლდით.

გიგო იორდანაძე.

რედაქტორ-გამომც. იოსებ იმედაშვილი.



ქართული შაქარი | კმინის პრო-გრამმა
 ორშაბათი — ოპერეტა. ბილეთები: 1 მ.-50
 ესაშაბათი — საოჯახო საღამო
 ოთხშაბ. — სინემატოგრაფი. სიმებ. ორკ.
 ხუთშაბ. — ქართ. წარმ. ბილეთები 50-30 კაპ.
 პარასპ. — ოპერეტა. ბილეთები: 1 მ.-30 კ-დ
 შაბ — საღ.
 კვირა — რუსული წარმოდგენა. ბილეთი 50-30 კ.